

清·方略館 編

清代 方略 全書

北京圖書館出版社



清代方略全書

一九八

清·方略館編

北京圖書館出版社

清·奕訢等撰

欽定平定貴州苗匪紀略

卷一——一三

清光緒二十二年（一八九六）鉛印本

欽定平定貴州苗匪紀略卷一

乙卯年

咸豐五年五月二十六日

丁亥

意焚封盤里等汛

上命軍機大臣傳諭蔣霽遠曰朕聞貴州台拱廳地方
現有苗匪滋事苗人素稱頑梗儻或不能安戢恐致
貽害地方況該省桐梓等處匪徒甫經摻除淨盡若
復有苗匪滋事不爲及早搜捕將來必致重煩兵力
著蔣霽遠趕緊查辦毋得稍有迴護遷延並將如何

滋事情形迅速具奏

六月十三日

甲辰

雲貴總督恆春貴州巡撫蔣霽

遠四川提督兼署貴州提督萬福奏言台拱屬

之山西新馬也黃平屬之革夷等寨向有苗匪

出沒清平縣屬之凱棠哨各處亦有苗匪乘機

竊發四出滋擾互相勾結恣意焚掠經臣等派

員前往查辦剿撫兼施惟苗寨遼闊山徑紛歧

肇此拏則彼竄分勦則兵單必須添兵分布方可

事而聚而殲旃臣蔣霽遠復飭貴東道承齡馳赴下

命軍游督同印委各員迅速勦辦並添調省標及古

州上江長寨各鎮協營兵共一千一百名前往

清平一帶以備堵勦清平縣知縣秦鎮藩當台

拱黃平苗匪滋事之時未能認真堵緝以致清

平境內匪徒亦乘機竊發勾結爲患非尋常疏

忽可比相應請

旨將清平縣知縣秦鎮藩先行摘去頂戴仍責令該員

隨同委員等將此股滋事匪徒迅速剿捕不准

稍事遷延奏入

諭旨該部知道欽此

上命軍機大臣傳諭恆春蔣霽遠萬福曰台拱苗匪滋事
事前經特旨查詢現據恆春等奏雖閒有撿斬而此
拏彼竄未就肅清致清平匪徒得以乘機肆擾該撫

既派承齡前往督辦卽著迅速剿捕毋稍延緩台拱
距省不遠蔣爵遠現在省城儘可督飭調度萬福尙
未回川亦可就近督辦儻貴州兵力不敷著恆春酌
調雲南精兵選派得力將備帶往協剿該督毋庸親
自前往

上諭內閣曰貴州清平縣知縣秦鎮藩於台拱黃平苗
匪滋事時未能認真堵緝以致清平境內匪徒乘機

竊發互相勾結非尋常疏忽可比秦鎮藩著先行摘
去頂戴責令隨同委員等將此股匪徒迅速剿除如
再遷延貽誤卽著從嚴叅辦

七月十三日
甲戌 蔣霽遠奏言欽奉

諭旨貴州台拱廳苗匪滋事著蔣霽遠趕緊查辦並將
如何滋事情形迅速具奏等因

臣

查本年三月間台

拱廳屬有苗匪聚衆搶掠滋事當經檄委熟悉

苗務之署平越直隸州知州邵鴻儒等會同署
鎮遠府知府吳登甲前往查辦分別良莠勦撫
兼施台拱就撫者已有一百八十餘寨首惡苗
匪設計擒拏並據各寨捆獻共有百數十人訊
因由廣西江南充練轉回無業資生相聚爲盜
均卽就地正法惟山西新馬也等寨苗匪意圖
抗拒該委員等正在分投查辦而黃平屬之革

夷等寨清平屬之凱棠凱哨各寨苗匪或因其父兄爲盜伏誅或因被奸民平素盤剝懷恨已久亦有事不干己圖財乘機劫掠羣焉思逞與台苗勾結響應猝然蜂起搶擄燒殺到處橫行清平黃平丹江一帶村寨壘堡多被蹂躪道路亦有梗塞臣復添調官兵檄飭貴東道承齡馳往督辦惟貴州兵力單弱且餉需支絀全賴他

省協濟各省應解黔餉銀一百四十餘萬兩部

臣雖有撥解之數各省終無報解之期請

旨飭下山陝川滇各省無論何款趕緊設法籌解以濟

臣急需再上下兩游苗匪滋事臣未能先事豫防

山西實屬咎無可辭應請臣日人未辦預匪善各

旨將臣先行交部議處奏入臣覆奏善交指辦其四川

上諭內閣曰貴州台拱等處苗匪聚衆搶掠蔣爵遠未

能先事豫防以致清平黃平丹江一帶村寨壘堡多
被蹂躪實屬咎有應得蔣爵遠著交部議處其四川
山西陝西雲南應解貴州兵餉日久未據解到著各
該督撫查照指撥數目卽行設法籌解並著戶部查
明各省如有因協濟他省咨部停撥貴州兵餉之處
著迅速改撥以濟軍需

蔣爵遠又奏言黃平州屬之革夷等寨清平縣

屬之凱棠凱哨各處苗匪與台拱苗匪勾結滋事股數不一四處焚掠委員署平越直隸州知州邵鴻儒在台拱督勦候補知府韓超赴丹江截擊清鎮縣知縣陳毓書候補知州彭汝璋會同署威甯鎮遊擊凱里營都司盛修志督帶兵練在黃平屬之巖門司地方扼要堵勦茲據報稱六月初三日苗匪多人直撲巖門委員陳毓

書等督兵迎擊因賊衆兵單以致失利文武各
官不知存亡現該苗匪竄擾州城附近村莊嚴
門道路梗塞等情臣查貴東道承齡現由遵義
馳抵清平已檄飭該道迅速督率帶兵文武激
勵兵練趕緊堵剿一面嚴飭各地方官勸諭鄉
團協力兜捕並查明巖門文武各官下落另行
奏報奏入報節各苗匪與台縣苗匪勾結

聞

九月二十九日己丑恆春奏言貴州苗匪滋事提

臣孝順及撫臣蔣蔚遠先後調帶滇兵赴黔援

剿查貴州上游苗匪以密峰爲最險之寨現於

八月十四日經提臣孝順親督兵弁連夜攻拔

剿殺苗匪殆盡鄰寨懾服提臣勇敢直前鹽道

王成璐參贊得宜此路可期指日蕩平下游苗

匪雖據貴東道承齡等稟報時有勝仗但臣聞

該匪股數衆多查出火燒寨等處著名首犯已

屬不少尙有未經查明姓名者前調往下游之

滇兵一千名九月內雖可到黔兵力尙恐單薄

撫臣蔣爵遠現又咨請添調滇兵而滇省回土

各匪尙未戡事勢難再調惟有仰懇

天恩就近飭調川兵二三千名可否仍令提臣萬福統